

ՀԱՍԱՐԱԿԱԳԻՏԱԿԱՆ ԱՄՍԱԳՐԵՐՈՒՄ

В о п р о с ы
ИСТОРИИ

1966, № 1

Ամսագրի առաջին համարը սկսվում է «Ամ-
սագիրը և պատմական գիտությունը» առաջնոր-
դողով, որը նվիրված է ամսագրի 40-ամյակին:

Պ. Մ. Ռոգաչևի, Մ. Ա. Սվերգլինի «Ազգերի»
հասկացության մասին» հոդվածը նվիրված է
ազգերի և ազգային հարաբերությունների տե-
սության պրոբլեմի քննարկմանը: Հոդվածագիր-
ները նշում են, որ ներկա ժամանակաշրջանը
շատ նորություններ է մտցնում ազգային հարա-
բերությունների տեսության և պրակտիկայի
մեջ: Ազգերի և ազգային հարաբերությունների
մասին տեսությունից դուրս են մղվում հին,
իրենց դարն ապրած որոշ հասկացություններ,
մյուսները զարգանում, ճշգրտվում են կյանքի
պահանջներին համապատասխան: Այս տեսա-
կետից կարևոր նշանակություն է ստանում ազգի
հասկացության ճիշտ բնորոշումը: Այս հարցի
կարևորությունը բացատրվում է նաև նրանով,
որ բուրժուական ուսման տեսաբանները խե-
ղաթյուրում են ազգային հարաբերությունների
հարցը:

Հոդվածում համառոտ քննության է առնված
ազգը բնորոշող հատկանիշները:

Միջազգային բանվորական շարժմանը, մաս-
նավորապես Մեծ Բրիտանիայի արհմիութենա-
կան շարժմանն է նվիրված Ի. Ի. Ժիգալովի
«Պայքարը Մեծ Բրիտանիայի տրեդ-յունիոննե-
րում պատերազմի և խաղաղության հարցում
(1955—1964 թթ.)» հոդվածը: Երկրորդ համաշ-

խարհային պատերազմից հետո անգլիական
բանվոր դասակարգի շրջանում ղգալի էվոլյու-
ցիա է առաջացել պատերազմի և խաղաղու-
թյան հարցի նկատմամբ ունեցած վերաբեր-
մունքում: Տվյալ հոդվածում քննության է առնը-
վում բրիտանական տրեդ-յունիոնների կոնգրեսի
մեջ մտնող անգլիական տրեդ-յունիոնների տե-
սականները և ներքին զաղափարական-քաղա-
քական պայքարը պատերազմի և խաղաղության
հարցում, 1955—1964 թթ.: Կոնսերվատորների
կառավարության ժամանակաշրջանում Իդենի,
Մակմիլանի և Դուգլաս-Հյումի գլխավորությամբ:

Պ. Պ. Գայդենկոյի «Բուրժուական փիլիսոփա-
յությունը պատմական պրոցեսի ուսման
դակության որոնումների մեջ» հոդվածում խըն-
դիր է դրվում ցույց տալու, թե ինչպես և ինչու
փոխվեց բուրժուական փիլիսոփայական պատ-
մական մտքի ընդհանուր պատկերը 19-րդ դարի
վերջերին: Հոդվածագրի ուշադրության կենտրո-
նում է գտնվում բուրժուական փիլիսոփայության
պատմության զարգացման երկրորդ էտապը, որը
սկիզբ է առնում առաջին համաշխարհային պա-
տերազմի և Հոկտեմբերյան սոցիալիստական
մեծ հեղափոխության ժամանակաշրջանից, հաս-
նում է մինչև մեր օրերը: Տվյալ թեմայի ու-
սումնասիրության հիմքում դրված է իսպանա-
կան փիլիսոփա Օրտեգա ի Գասետը:

Ամսագրում հետաքրքրության արժանի նյու-
թերից են նաև Բ. Մ. Վոլկովի «Կոլտնտեսային
դյուղը հետպատերազմյան առաջին տարում»,
Ա. Մ. Սախարովի «Նեկեղեցին և ռուսական
կենտրոնացված պետության առաջացումը», Յա-
Գավրանիկի, Ի. Կորժալկոյի, Յու. Մեսարոշի,
Ջ. Շուլի «Ժողովրդական մասսաները 19-րդ
դարի շեխական և սլովակյան ազգային շար-
ժումներում» հոդվածները, «Ջ. Բարիբալդին և
նրա «մեմուարները» հուշագրությունը, Բ. Յու-
Մայսկու «Ստոլիպինականությունը և Ստոլի-
պինի վախճանը», Ն. Ն. Յակովլևի «Ֆրանկլին
Ռուզվելտի կյանքի էջերը պատերազմի տարի-
ներին» գոկումենտալ ակնարկները և այլ նյու-
թեր:

Вопросы ИСТОРИИ КПСС

1966, № 1

Ամսագիրը սկսվում է Լ. Ի. Կրիլովի «Գյուղում սոցիալիստական շինարարության տեսության ու պրակտիկայի զարգացումը եղբայրական կուսակցությունների կողմից» հոդվածով: Սովետական Միության փորձի հիման վրա Եվրոպայի և Ասիայի սոցիալիստական երկրների կոմունիստական և բանվորական կուսակցությունները, շնայած եղած դժվարություններին և առանձին սխալներին, հաջողությամբ են իրականացնում գյուղացիությանը կոոպերատիվների միջոցով սոցիալիզմին անցնելու լենինյան ուսմունքը: Գյուղացիության կոոպերացումը հիմնականում ավարտված է Բուլղարիայում՝ 1957 թ. վերջերին, Ալբանիայում, Հունգարիայում, ԳԴՄ-ում, Ռումինիայում, Չեխոսլովակիայում՝ 1961 թ., Չինական Ժողովրդական Ռեսպուբլիկայում 1959 թ. սեպտեմբերին կոոպերացված էր գյուղացիական տնտեսությունների 99,1%-ը:

Հոդվածում մանրամասն տրված է գյուղացիության կոոպերացման առանձնահատկությունները սոցիալիստական տարրեր երկրներում:

Վ. Գ. Սմոլենսկու «ՍՄԿՊ տնտեսական քաղաքականությունը և հակակոմունիզմի գաղափարախոսները» հոդվածում քննության է առնված հակակոմունիզմի գաղափարախոսների հակագիտական տեսակետները Սովետական Միության կոմունիստական կուսակցության տնտեսական քաղաքականության վերաբերյալ: Հոդվածագիրը բազմաթիվ փաստերով ցույց է տալիս, որ իմպերիալիզմի գաղափարախոսները ձգտում են խեղաթյուրել արտադրահարաբերությունների բնույթը ՍՄԽՄ-ում, կոմունիստական կուսակցության և սովետական պետության տնտեսական քաղաքականությունը նրանց պրոպագանդայի ղեկավար նպատակն է՝ կապիտալիստական երկրների աշխատավոր մասսաների առաջվարկաբեկել սոցիալիզմը որպես հասարակական կարգ: Հակակոմունիզմի այդ կարգի գաղափարախոսների թվում են Համբուրգի տնտեսական ընդհանուր պրոբլեմների ինստիտուտի

պրոֆեսոր էրիկա Բետխերը, պրոֆեսոր Կառլ Տելհեյմը և այսպես կոչված սովետների հարցի գծով արևմտա-գերմանական էքսպերտներ, Հարվարդի համալսարանի պրոֆեսոր, ռուսական հետազոտության ինստիտուտի դիրեկտոր Արրամ Բերգսոնը, ֆրանսիական սոցիոլոգ Ռայմոն Արոնը և այլն:

Ազգային հարցին է նվիրված Մ. Ի. Կուլիշենկոյի «Ազգային հարցի լուծումը ՍՄԽՄ-ում՝ բուրժուական պատմագրության ազդու լույսի տակ» հոդվածը, որտեղ բազմաթիվ փաստերով ցույց է տրված, որ բուրժուական պատմագրությունը այդ հարցում հետապնդում է մի նպատակ՝ նսեմացնել սովետական փորձի նշանակությունը, թուլացնել նրա ձգողական ուժը, ապատարվող երկրների ժողովուրդներին արգելակել ճիշտ պատկերացում ունենալու Հոկտեմբերյան սոցիալիստական հեղափոխությունից հետո ՍՄԽՄ-ում ազգերի իսկական վերածննդի և զարգացման մասին: Հոդվածում խնդիր է դրվում Ուկրաինայի, Բելոռուսիայի, Լիտվայի և էստոնիայի հանրապետությունների ՍՄԽՄ-ի հետ փոխհարաբերությունների օրինակով բացահայտել սովետական իշխանության առաջին տարիներին մեր երկրում ազգային հարցի լուծման գործում կոմունիստական կուսակցության պայքարի պատմության բուրժուական գրականության հակագիտական բնույթը:

Ամսագրի «Հաղորդումներ» բաժնում տպագրված է Վ. Ռ. Գերասիմյուկի «Վ. Ի. Լենինը և պայքարը հացի համար սովետական իշխանության առաջին ամիսներին» և Մ. Ի. Դորոգովայի «Մասսայական աշխատանքը ԿՎՀ-ԲԳՏ օրգաններում արդյունաբերության մեջ (1929—1932 թթ.)» հոդվածները:

Հետաքրքիր նյութեր են տպագրված նաև ամսագրի «Կոնսուլտացիա», «Մարդիկ, իրադարձություններ, փաստեր», «Գրախոսություն և քնննադատություն» բաժիններում և այլն:

Вопросы ФИЛОСОФИИ

1966, № 1

Ամսագրում տպագրված «Տիեզերք թափանցելը և արտաներկրային տարածության անդրադարձումը մարդու կողմից» առաջին հոդվածում, որի հեղինակներն են ՍՄԽՄ տիեզերագնաց-օդաչու Յ. Ա. Լեոնովը և բժշկական գիտությունների թեկնածու Վ. Ի. Լերեգեր, արծարծված են տիեզերական թռիչքի ժամանակ տարածական հա-

բարեբախտություններում մարդու արտացոլման մի քանի պրոբլեմներ, նպատակ ունենալով դրանց վրա հրավիրել փիլիսոփաների և հոգեբանների ուշադրությունը:

Ն. Կ. Դրուժինինի «Վիճակագրության մի քանի փիլիսոփայական հարցեր» հոդվածը նվիրված է վիճակագրական գիտության տեսությանը: Հեղինակը ելնելով այն ճշմարտությունից, որ վիճակագրությունը սոսկ նկարագրական-համեմատական նշանակություն չունի, որը, անշուշտ կարելի է, նշում է, որ այն շոշափում է նաև իմացարանական խնդիրներ, որոնք ստանում են գիտական նշանակություն: Վիճակագրական դիտումները, որպես կանոն, հանդիսանում են մասնայական երևույթների իմացության ամբողջ պրոցեսի սկիզբը:

Ամսագրում տպագրված Լ. Է. Վ. Բլենկովի «Տրամաբանության առարկայի, որպես գիտության՝ հարցի պատմության շուրջ» երկրորդ հոդվածը, որտեղ քննարկվում է տրամաբանությունը որպես գիտության պրոբլեմ: Հետաքրքրություն են ներկայացնում ամսագրում տպագրված Ա. Ի. Ռակիտովի «Գիտական տեսության տրամաբանական կառուցվածքը», Բ. Ի. Մոշալովի «Գիտության երևակայական պրոբլեմը», Ռ. Ս. Կարպինսկայայի «Մոլեկուլյար կենսաբանության փիլիսոփայական պրոբլեմների մասին», Ա. Ի. Կիտայգորոդսկու «Տեսության պրոբլեմը քիմիայի մեջ» և այլ հոդվածներ:

Լ. Ֆ. Վոլֆսոնի «Ենթակ հեղափոխության մանիֆեստը և նրա քննադատությունը» հոդվածում լեննության է առնված Ամերիկայի Միացյալ Նահանգների հիմնական հակասությունները կապված երեք հեղափոխությունների հետ (կիրենս-տիկա, ռազմական տեխնիկա և մարդու իրավունքներ): 1964 թ. մարտին ԱՄՆ-ում հրապարակվում է «Ենթակ հեղափոխության հատուկ կոմիտեի մանիֆեստը. ԱՄՆ-ի ճգնաժամի հիմնական մոմենտի գնահատումը և գործողության ծրագիրը», որը հասցեագրված է պրեզիդենտ Ջոնսոնին: Այդ փաստաթղթի տակ իրենց ստորագրություններն են դրել 32 մարդ գիտնականներ, հրապարակասոսներ, արհմիութենական և հասարակական գործիչներ և այլն:

«Բանավեճ և քննարկում» բաժնում տպագրված Լ. Մ. Եգիդեսի «Պատմական մատերիալիզմի կառուցվածքի սկզբունքների մասին», Լադիսլավ Տոմաշևսկի, Իրժի Լիսի (Չեխոսլովակիա) «Դիտողություններ բանավեճի ընթացքում» հաղորդումները:

«Կոնսուլտացիա» բաժնում հրապարակված է Վ. Դ. Ջոտովի «Ձարգացող երկրների սոցիալիստական կոնցեսիաները և գիտական սոցիալիզմը», որտեղ պարզաբանված են այնպիսի հարցեր, ինչպիսիք են՝ ինչպես գնահատել սոցիալիստական ղեկավարին, հեղափոխական

ղեկավարների սոցիալիստական, «Ազգայնական տիպի սոցիալիզմի», ռեակցիոն ուժերի «սոցիալիստական» կոնցեսիաները:

Հետաքրքիր նյութեր են հրապարակված ամսագրի «Գիտական կյանք», «Գրախոսություն» և քննադատություն» բաժիններում:

КОММУНИСТ

1966, № 1

Կոմունիզմի ծավալուն կառուցման ժամանակաշրջանում կարևոր նշանակություն է ստանում բանվոր դասակարգի և կոլտնտեսային գյուղացիության կուռ միասնության հետագա ամրապնդումը: Այդ հարցին է նվիրված Ի. Գլոտովի «Բանվոր դասակարգի և կոլտնտեսային գյուղացիության դաշինքի տնտեսական հիմունքների մասին» հոդվածը: Հեղինակը նշում է, որ ներկա էտուպում բանվոր դասակարգի և կոլտնտեսային գյուղացիության արմատական շահերի միասնությունը իր քաղաքական արտահայտությունն է գտնում համաժողովրդական սոցիալիստական պետությունում, որը հանդիսանում է սովետական հասարակության զարգացման օրինաչափ էտապը: Համաժողովրդական պետությունը իր առջև խնդիր է դրել մինչև վերջ հասցնել հասարակության վերափոխումը, որը սկսել էր պրոլետարիատի դիկտատուրայի պետությունը: Համաժողովրդական պետությունը հանդիսանում է բանվորների և կոլտնտեսային գյուղացիության դասակարգային դաշինքի բարձրագույն ձևը, քաղաքական օրգանը:

Ա. Ռուժյանցևի «Տնտեսական գիտությունը և ժողովրդական տնտեսության կառավարումը» հոդվածը նվիրված է ժողովրդական տնտեսության կառավարման կատարելագործման պրոբլեմին: Հոդվածում քննության են առնված այն ուղիներն ու ձևերը, որոնք մշակել են ՍՄԿԿ Կենտկոմի մարտյան և սեպտեմբերյան (1965) պլենումները ժողովրդական տնտեսության կառավարման կատարելագործման ուղղությամբ:

Ամսագրի «Գաղափարախոսություն և կուլտուրա» բաժնում զետեղված է Ֆ. Կոնստանտինովի «Լենինյան պարտիականությունը փիլիսոփայության մեջ և արդիականությունը» հոդվածը, որտեղ քննության է առնված մարքս-լենինյան բուրժուական երկու հակադիր աշխարհայացքների գաղափարական պայքարի ձևերը, ցույց է տրված լենինյան պարտիականության դերը մարքս-լենինյան փիլիսոփայության զարգացման գործում:

Ա. Ս.